


www.BibleForChildren.org


Maatiu' 1




Ee'noko tenang Elisabeta' ~nau-taa kaara deemparako
kempo'kuu'noo'keta tee koosinung Kepareli' napo'
Kumponinge osi nii'namono-koo botovuu'
Kaaleli'navaro-koonoo' miring Nasareti'namono. Nani
manikuma nerai'na' kuukuma~anko botovuu'nung
miring Meeri'anko. Aninoo' teni miru'nii' naning-koo
miring Josepa', Daurarong~ Deevita'
ba'dompenkuri-koong-koo.



Ee'noko koosinunge aa'puu' teni, “Ee Meeri', aroreauka'nung, ai' da' teni domange tampa' noru' Kumponinge. Da'koo tooto' poontoaraa'naang~ ke'de-koo, ee'noko tee dauring donkaani paravee'naang, ee'noko dake tee miring Jiisuu' tampeaing. Tee tee ee'nung pankaing deempari otoaing ee'noko tee tee Ovoring Deto Basi Bauring tampaavaing.”



“Ee'noko Ovoring Kumponingee tee
Daurarong deeng-antavuaing
bakaaka Deevita' paari-antavui.
Ee'noko teie Jeekopi' bakanariong,
teing Isireeli-nupoong
tanatavuriaing ookutunung
batei-koo, ee'noko bakaang
muu' tee bakearavauka'nung.”



Ee'noko Meeri'ke koosinung tana'uma
aa'puu', "Tee aung kapoo' arekee'
nkoaravaing tee' ning kuukuma
o'noko?" Ee'noko teie koosinunge
teni maku'uma aa'puu', "Tee
Tanuaang Meekung
da'koo poko ee'noko
tee purinto' Ovoring
Deto Basi bakaange
daka'duaing da'."



“Tee'koo tee ee'nung tooto'
ponto'aravaing meekung
tampaavaing, tee
Kumponing Bauring.”



Teketa' pankaroompuaruko Meeri' daa'arara
nanuu'nung iri'narung iu'po'navora'ke deto
bera Sakaraia' bakanoo' osi Judia'navaro-
koonavuntu'koo. Ee'noko
Sakaraia' bakanava'ke
tumparara
Elisabeta'koo
tampara tampuu'.



Ee'noko tenang Elisabeta'ke tee tampa' tang
Meeri'keta taaravuko tooto' ke'de-koo
kuunge to'dinuu'; Ee'noko Elisabeta'
Tanuaang Meekunge
maanto'ura duuru'kuma
aa'na' karoma aa'puu',
“Biraankerarinani da'
ee'nani maniku'koo
dau basina', ee'noko
napo' tee tooto'
dakaang ke'de-koo
biraankearinge.”




Enang tee' ee' nkoarara Jiisuu' Karistoo' ponto'aru'na'.
Teni bauko Meeri' teni
Josepa'koo miru'nii'nani,
teka mme' nari' otorea' teni
tooto'po'nani deemparu'
ta'nina' Tanuaang
Meekung
bakaang iri'ke.



Teketa teie Josepa'ke, teni-koo miru'nii'ke teni
tooto'po'nani tasi'pura
koonto'na' nko-koo noru'ari
beekaang navunavu
toto'koo mau'aru', teka
makenge nko-koo
piavou' ookara-koo
sira'puko
maia'o'neeng-koo
teni.



Teka tee' noru'arara otoko koosinung~ narung Ovoring
bakaang noone-koo tee-ankoi oro'paru' ee'noko
aa'puu', "Josepa', Deevita' bauring,
aroreauka' Meeri' boku-koo da'aang
deemparaa'naang, ai' tee tooto'
teni-koo pountoaring~ tee Tanuaang
Meekung-etaing."



“Tenie tee tooto' donkaani paravuaing, ee'noko dake
tee miring Jiisuu' tampeaing, ai' teie tee bakaning
nantoong biikaning orara
aarumonanka-ita moo'uriaing.”



Tenang Josepa' tantearara tee' nari' teie koosinunge
Ovoring bakaange botovuu'na' bera Meeri' bokuvuu'
ba'aang deemparaa'naang. Teka teie
tamung tanatavuu' bera tenie tee tooto'
donkaani paravuu'noo'keta dama'ke
nampuu'. Ee'noko tee tooto'
miring Jiisuu' tampuu'.




Tenang Jooni ponto'aru'noo'keta nii'ning batei tankinura
otoko tee daurarong~, Siisa', miring Akastasio botonang
sipuu'nung ookutuning
nantoong
tarevuriko'ning-koo
biikaang miring
daariarii'naang



bakaang buuku-koo.



Ee'noko ookara tee biikanairu porou'nairu siompai
nanau'nung miring
daariarii'naang.




Ee'noko Josepa' tee'ke, Kaaleli'koonoo'keta,
Nasareti'keta, deto Judia'navaro-koonoo'aape
nanuu'nunge Beeteleema',
te' Deevita' bakanavuntu'
deemparako, ai'
tee tee Deevita'
baurukaa'



bakanamuiaang-koong.



Tee teni ninka Meeri' ninka ba'aang ninka nari'
nanuretu'nung miring
daariaree'naang.
Teni tee
tooto'po'nani.



Ee'noko teke otoreko
tooto' ponto'koong
bateinang makotuu'nung.



Ee'noko tenie tooto' tutuna'nung paravuu' donkaani,
ee'noko baaronge korovui dai'ura kau' karenaumonanka
biikanava-koo otoroi karaasi'
maa'aako'navaro-koo bempuu',
po'nupo'nuka
biikanava'koo
doona
otoaruio'.



Ee'noko teke Beeteleema'keta due'ke nii'ning sipisipi'
tanatanuka otoroko' muunga biikaning sipisipi'
binaa'koo tanatavaarima. Ee'noko

narung koosinung Ovoring


bakaang
teing-ankoi
tavo'aru',

✧ ee'noko

Ovoring ✧

bakaang meenasi
teing korovuri

arakavaru' ee'noko tenang
avoro' pankaing maanto'uru'.



Ee'noko koosinunge aa'puru', "Aroreriauka', ninge
doorenang tampara po'antarerompimang
doturotu-koong dii' ookara
nantoong-koo basiaravaing."



“Aa'noing e'mung dii'ankoi teke Deevita'
bakanavuntu'koo narung Domang-anta ponto'aring, tee
Ovoring Pako'pari'nii', Kumponinge

teroita maraka-antarurio'
nemperimaung.

Taa'ni'anta
ee' ooverira
masukung
tasi'periaing:

Narung nerakau'
baaronge koroari
dai'nii' nako'bo-koo

bempari otoko ooverii'naang.”



Ee'noko namu'ke ta'nina', tee ninka koosinung ninka
paning-nupoong-koonavitu karika' nari'
tapo'eu' Kumponing daangampaama
ee' minkuaama, . . .



... "Kumponing paning-koo siroong otomaung
daangampamaang, ai' mooa tee
kansi'koo poing nantoong tampa'
nkovuriko



aroo'arimaing-koo."




Tenang koosinunanka paning-aape
toroaririo' sipisipi' tanatanukai aa'pau' bii'ka
kareaama, "Aia', Beeteleema' du'marira,
ooampiai tee kapoo' nkoaring Ovoringe
nau-antamuring nii'."



Ee'noko teing iri'narung berora ooaaru' teing, aa'noko Meeri', Josepa' ee'noko tee tooto' nako'bo-koo bempari otoko. Ee'noko tenang teinge ooaara tee sira'pau' tee minkunaa tooto' minkuari otoing koosinunge nauvuru'nung.



Teketa tee Jiisuu'
ponto'ario' teke
Beeteleema'ke
Judia'koonoo'ke
tenang tee
daurarong~



Eeroti' otoko'nang nii'ning
norukasi'nuka duaa'
bakoaramanoo'keta
Jerusalema' porou'.




Porora nia'kaama
aa'paako',


“Daurarong
Ju'nupoong biikaang
ponto'aru'nung
areraí?



Nii'ke bakaang beento'
ta'da'puio' ooampira
nanampikotaa' enang moring
tee-koo dootuu'marii'naang.”



Teketa teie Eeroti'ke teing
norukasi'nuka baku'noo'
bokuvuru' ee'noko teing
batei tee beento' oro'pari
otou'ning tampa'
noru'uu'naang
nia'uriko nauau'.



Teketa botovurima
te' Beeteleema'aape
aa'puru', "Berira tampa'
besi'eriai tee tooto',
ee'noko ooverira namu'ke
ning naumeriai, merai'nang
tee-koo dootuu'maravaina'."



Teketa teinge tee daurarong taaravaara tenkenau',
ee'noko tee beento' duaa' bakoaramanoo'aapea tutung
ooau'nung teing-koo napo' oro'parara
uro'kanoo'ke nanuu' bera te'
tooto' otou'noo' dau datearu'.



Teketa tenang pava-koo kuung porora teinge tee tooto'
ooau' bauko ninka Meeri' ninka otoreko. Ee'noko teing

te' doonko miinge keemparira tee-koo

dootuu'ariru'. Teketa biikaang
bakurananka daate'aara kapoo'

moo' pankeng-kooninge

bauta'au' tee

aa'ninge: kooro,

kapoo' betu'uko

tampa' nuuraa'

ee'noko duuni

tampa' nuuraa'

miring


meea.



Ee'noko noone-koo koono-antavurio' Eeroti'anko napo'
beroaroo'naang teing norukasi'nuka nii'navunge
biikanameensi'aape toroariru'.




Teing beroio' napo' tee
koosinung Ovoring bakaang
Josepa'ankoi oro'paru'
noone-koo, teketa aa'puu',
“Daa'daravai. Tee tooto'
ee'noko bauko bokuereta
lisipi'aape mmaririra
bera teke otoriko ninge
nauranko deeko'
tororariai, ai'



Eeroti'ke tee besi'uu'naang
tee tooto' dupisi'uu'naang.”





Teketa i'amparara tee tooto'
ee'noko bauko bokuvureta
tenang muunga lisipi'aape
tenkenau'. Bera teke otorou'
Eeroti' boo'paru'noo'ke basi.
Tee' nkoario' tee kara
Ovoring bakaang
makotuu' nakaronara~
karantavuma~
aa'puu'naare:





“Ninge bokuantu' tee
nnuring lisipi'keta.”



Teketa tenang Eeroti'ke
noru'urai'nange teinge
norukasi'nukai tee tosiaara
divu'au'nung tee, tee bakei
aa'na' iiravou' ee'noko tee
botoaru' ookara toirekaa' . . .



... donkaang
Beeteleema'navete-kooning
dupisi'koo biikaang mare'
beemareu-koo basiariaing
teing norukasi'nukai
nauau'noo'ka noru' nkavura.



Teketa tenang Eeroti'
boo'pario', tee koosinung
Ovoring bakaang napo'
Josepa'ankoi noone-koo
oro'paru' teke lisipi'ke.



Ee'noko aa'puu',
“Tanterarara tee tooto'
ee'noko bauko bokuereta te'
Isireeli -nameensi'aape
beriai, ai' teing tee tooto'
dupisi'koo
piavoroko'ning teing
boo'pariru'ning.”





Teka tee Akeleasi Judia'navete

tarevuko bauma tee

Eeroti' pari'antavura

tee Josepa' avorou' te'

be'koo.




Ee'noko noone-koo

napo' koono-antavuiio' Kumponinge

Kaaleli'navete-koo berou'. Ee'noko berora

narung osi miring Nasareti'namono-koo otorou'.






Tee' nkoarako tee kara
nakaronara karantavuma Ovoringe
minkuvuu'nung masika'paru', aa'puu'nung,
“Nasareti'nung tampaamaatoaing.”



Ee', Kumponinge
nii' ookara kansinupoong aa'na'
piaamurikota' tee Bauring narung
masikung kirokai taura'puu'nung tee
boo'paraa'naang nii' paku-koo; bera
tee naning tee masika'antavuaing
paa'aravauka'nung, teka
domaang oparavaung
oto'evuaing.



Rooma' 3:23

Aming-koo, ookara nari' oraka' nkoarima kaari'arikoo'
Kumponing bakaang meenasi kong-koo.

Rooma' 6:23

Orara aarumoi tee moo' avu'koong, tee boo'. Ee'noko
Kumponingee tee bauta'muriaing teie domaang
oparavaunge Jiisuu' Karistoo'koo kuunge,
niikaang Ovoring.

liburu 9:27

Kumponingee toomo aung: Nantoong tee namu'ke
booroaing ee'noko tee-koo dama'due koosinampariaing.



Epeses 2:8,9

Ai' Kumponinge avusiro'ari domang-anta masika'antaveru'noo' deeko' domantariru'ning, dii'ka deea', bauta'durima. Kapoo' nkoveriko tee' domanturia' maku'koo. Maroita, naning daangampara'neeng-koo.

Rooma' 10:9,10

Tee dii'ke karang-eta sira'periaing deeko' aa'perima, "Jiisuu' tee Ovoring," ee'noko masika'antaveriaing diikaang domang-eta tee Kumponinge domang-antavuu' nung bou'noo'keta, tee'koo enang dii' domantariaing. Tee naning masika'antavuko bakaang domang-eta tee koonto' naning tampuaing; ee'noko sira'puaing bakaang karange tee tee moo'aravaing.



Jooni 3:16,17

Ee', Kumponinge nii' ookara kansinupoong aa'na' piaamurikota' tee Bauring narung masikung kirokai taura'puu'nung tee boo'paraa'naang nii' paku-koo; bera tee naning tee masika'antavuaing paa'aravauka'nung, teka domaang oparavaung oto'evuaing. Kumponinge Bauring botovuu' domang-antanung deemparaa'naang, tuumpinung deea'.

1 Jooni 5:11-13

Ee'noko tee kara Kumponinge sira'puu'nung tee aung: Kumponinge tee nii' domaang oparavauka'nung amuru', ee'noko tee domaang tee Bauring-koo otong. Baa tee naning Bauring oto'evumaung tee-koo tee domaang otong, ee'noko baa tee naning Bauring oto'evuaung tee-koo tee domaang otoa'. Aung tee ninge dii'koo daariamang tee Kumponing Bauring bakaang miring masika'antaverimaung-koo dii'ke noru'erii'naang dii' teing tee domaang oparavaung oto'deruring.



Maatiu' 1-2; Luuke' 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Naasioi Bible (nas) © 1994, Wycliffe Bible Translators, Inc.
All rights reserved.

<https://live.bible.is/bible/NASPNG/GEN/1>

©2026 Bible for Children, Inc.

www.M1914.org

www.bibleforchildren.org

